

VENDIM
Nr.116, datë 2.2.2009

PËR SHPRONËSIMIN, PËR INTERES PUBLIK, TË PRONARËVE TË PASURIVE TË
PALUAJTSHME, PRONË PRIVATE, QË PREKEN NGA NDËRTIMI I NËNSTACIONIT
110/10 KV, NË QYTETIN E BAJRAM CURRIT

Në mbështetje të nenit 100 të Kushtetutës dhe të neneve 5, pika 1, 20 e 21 të ligjit nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e Ministrit të Ekonomisë, Tregtisë dhe Energjetikës, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga ndërtimi i nënstacionit 110/10 KV, në qytetin e Bajram Currit, sipas tabelës, që i bashkëlidhet këtij vendimi.

2. Shpronësimi të bëhet në favor të OSSH sh.a.

3. Pronarët e pasurive të paluajtshme, që shpronësohen, të kompensohen në lekë, në vlerë të plotë, sipas masës përkatëse, që paraqitet në tabelën, që i bashkëlidhet këtij vendimi, për sipërfaqen 2 952 (dy mijë e nëntëqind e pesëdhjetë e dy) m², tokë/truall, vlerësuar në shumën e përgjithshme 13 360 752 (trembëdhjetë milionë e treqind e gjashtëdhjetë mijë e shtatëqind e pesëdhjetë e dy) lekë.

4. Fondi prej 13 360 752 (trembëdhjetë milionë e treqind e gjashtëdhjetë mijë e shtatëqind e pesëdhjetë e dy) lekësh të përballohet nga fondet e OSSH sh.a.

5. Vlera e shpenzimeve procedurale, në shumën 233 000 (dyqind e tridhjetë e tre mijë) lekë, të përballohet po nga OSSH sh.a., si subjekt përfitues.

6. Shpronësimi të fillojë brenda muajit shkurt 2009 dhe të përfundojë brenda muajit prill 2009.

7. Pagesat të bëhen pas paraqitjes së dokumenteve të pronësisë, në përputhje me ligjin nr.8561, datë 22.12.1999.

8. Punimet për ndërtimin e nënstacionit 110/10 KV të përfundojnë brenda muajit dhjetor 2009.

9. Ngarkohen Ministria e Ekonomisë, Tregtisë dhe Energjetikës dhe OSSH sh.a. për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha

LISTA E PRONARËVE QË SHPRONËSOHEN PËR EFEKT TË NDËRTIMIT TË NËNSTACIONIT 110/10 KV, BAJRAM CURRI

Rrethi: Tropojë

Bashkia: Bajram Curri

Lloji i pasurisë së paluajtshme që shpronësohet: truall

Shpronësimi definitiv												
Nr.	Emri	Atësia	Mbiemri	Lloji i pasurisë	Zona kadastrale	Numri i pasurisë	Sipërfaqja totale në m ²	Sipërfaqja që shpronësohet në m ²	Çmimi në lekë/m ²	Vlera e shpronësimit në lekë	Vlera totale e shpronësimit në lekë	Adresa e pronarit
1	2	3	4	5	6	7	8	9	10	11	12	13
1	Aranit	Çel	Gjongecaj	Truall	1347	43/14/1	2952	2952	4 526	13 360 752	13 360 752	Lagjja “Dardania”, Bajram Curri, Tropojë
2	Durim	Çel	Gjongecaj				2952	2952	4 526	13 360 752	13 360 752	Lagjja “Dardania”, Bajram Curri, Tropojë

